

I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

Arabako Foru Aldundia

LURRALDE OREKAREN ETA LURRALDE ANTOLAMENDUAREN SAILA

642/2024 Foru Agindua, abenduaren 11koa. Bitarteko izendapena egitea Ariana Barañano Bárbarari, Aiarako Udaleko idazkari-kontuhartzaile lanpostua betetzeko

2024ko abenduaren 2an, Aiarako Udaleko alkateak Ariana Barañano Bárbarari bitarteko izendapena egiteko eskatu zuen, Aiarako Udaleko idazkari-kontuhartzaile lanposturako, 2024ko abenduaren 3tik aurrerako ondorioekin.

Lanpostu hori bete gabe dago, gaur egun.

Espedientean jasotzen denez, 2024ko maiatzaren 6ko ALHAOn (50. zenbakia.) iragarki bat argitaratu zen, lanpostu hori estaturako gaikuntza duen funtzionario batek behin-behineko izendapenaren, zerbitzu eginkizunen edo metaketaren bidez betetzeari buruzkoa, baina ez zen eskaerarik aurkeztu epe barruan, ondoren, idazkari lanak egin dituen funtzionarioa izendatu bazen ere lan metaketan, bitarteko funtzionario lanpostua betetzeko espedientea izapidetzen zen bitartean.

Esan denez, lanpostua ezin zenez bete, udaleko alkateak hautaketa prozedura bat izapidetu du berdintasun, merezimendu, gaitasun, publikotasun eta bizkortasun printzipioak betez, lanpostua berehala bete ahal izateko bitarteko izendapen baten bidez.

Hura amaituta, eta balioespen epaimahaiaren proposamenaren arabera lan poltsa eratuta, lehendakariaren 2024ko azaroaren 8ko ebazpen baten bidez onetsi zen (azaroaren 18ko 131. zenbakiko ALHAO), deialdia arautzen duten oinarriak betez, eta puntuazio ordenaren arabera onartu zuen lehenengo hautagaia, Ariana Barañano Bárbara, izendatzea proposatu zen abenduaren 4ko ondorioekin. Hark izendapen proposamena onartu zuen, eta epe barruan aurkeztu zituen sartzeko baldintzak egiaztatzen dituzten jatorrizko agiriak, bai eta izendatu aurretik aurkeztu beharreko gainerrako agiriak ere.

Era berean, funtzio horiek betetzen zituen estaturako gaikuntza duen funtzionarioak bere borondatez uko egin zion eginkizun metaketari, abenduaren 2tik aurrerako ondorioekin.

Bat etorri 128/2018 Errege Dekretuaren 53. artikulua xedatutakoarekin:

1. Ezinezkoa denean gordetako lanpostuak estaturako gaikuntza duen toki administrazioko funtzionarioen bidez betetzea, eta urriaren 30eko 5/2015 Legegintzako Errege Dekretuaren bidez onetsitako Enplegatu Publikoaren Oinarrizko Estatutuak 10.4 artikuluan xedatutakoa gorabehera, toki erakundeek autonomia erkidegoari proposatu ahal izango diote, betiere berdintasun, merezimendu, gaitasun eta publizitate irizpideak betez, bitarteko funtzionario bat izenda dezala, A1 azpitaldera sartzeko eskatutako tituluduna.

Edonola ere, kontuan izan behar da zer xedatzen duen Estaturako gaikuntza duten toki administrazioko funtzionarioen araubide juridikoa arautzen duen martxoaren 16ko 128/2018 Errege Dekretuak 54. artikuluan:

“Lanpostua behin betiko bete, titularra itzuli kapitulu honetan jasotako kasuetan, edo behin-behineko izendapena eginez gero, zerbitzu eginkizunetan edo zeregin pilaketan, lanpostua behin-behineko funtzionario edo bitarteko funtzionario batek betetzen badu, automatikoki kargugabetuko da lanpostu hori betetzen ari zena”

Bat etorri Enplegatu Publikoaren Oinarrizko Estatutuaren Legearen testuategina onartzen duen urriaren 30eko 5/2015 Legegintzako Errege Dekretuak 10.4 artikuluan xedatutakoarekin, bitarteko funtzionarioaren izendapenetik hiru urte igarotakoan amaitu egingo da bitarteko harremana.

Estatuturako gaikuntza duten toki administrazioko funtzionarioen araubide juridikoa arautzen duen martxoaren 16ko 128/2018 Errege Dekretuak 53. artikuluan xedatutakoari jarraitu zaio.

128/2018 Errege Dekretu horren hirugarren xedapen gehigarrian agindutakoa betez, eta Arabako Foru Aldundiaren Gobernuari, Antolaketari eta Araubide Juridikoari buruzko 10/2023 Foru Arauaren 24. artikuluan jasotzen diren eskuduntzen ondorioz, hau

XEDATZEN DUT

Lehenengoa. Ariana Barañano Bárbara izendatzea, 2024ko abenduaren 3tik aurrerako ondorioekin, Aiarako Udaleko idazkari-kontuhartzaile lanpostua bitarteko gisa betetzeko, hura legez bete arte, Estatuturako gaikuntza duten toki administrazioko funtzionarioen araubide juridikoa arautzen duen martxoaren 16ko 128/2018 Errege Dekretuan xedatutakoaren arabera.

Bigarrena. Foru agindu hau jakinaraztea Aiarako Udalari eta Eusko Jaurlaritzaren Toki Administrazioekiko Harremanetarako eta Administrazio Erregistroetako Zuzendaritzari, eta hura ALHAOn argitaratzeko agintzea.

Hirugarrena. Jakinarazten den foru agindu hau behin betikoa da administrazio bidean, eta haren aurka administrazioarekiko auzi errekurtsoa aurkez daiteke zuzenean Vitoria-Gasteizko administrazioarekiko auzietarako epaitegietan, bi hilabeteko epean, jakinarazpen hau jaso eta hurrengo egunetik aurrera. Hori guztia, Administrazio Publikoen Administrazio Prozedura Erkidearen urriaren 1eko 39/2015 Legeak 123. eta 124. artikuluetan eta Administrazioarekiko Auzien Jurisdikzioa arautzen duen uztailaren 13ko 29/1998 Legeak 46. artikuluan xedatutakoaren arabera.

Vitoria-Gasteiz, 2024ko abenduaren 11

Lurralde Orekaren eta Lurralde Antolamenduaren Saileko diputatua

LAURA PÉREZ BORINAGA

Lurralde Orekaren zuzendaria

JAVIER GORBEÑA GARCÍA